

- Učenik ili student za roditelja koji je RVI-V grupe sa 70 % invaliditetom 7 bodova,
- Učenik ili student za roditelja koji je RVI-VI grupe sa 60 % invaliditetom 6 bodova,
- Učenik ili student za roditelja RVI-VII grupe sa 50% invaliditetom 5 bodova,
- Učenik ili student za roditelja RVI-VIII grupe sa 40% invaliditetom 4 boda,
- Učenik ili student za roditelja RVI-IX grupe sa 30% invaliditetom 3 boda,
- Učenik ili student za roditelja RVI-X grupe sa 20% invaliditetom 2 boda,
- Učenik ili student za svakog člana porodičnog domaćinstva koji je RVI preko 50%. 2 boda,
- Učenik ili student za roditelja pripadnika Oružanih snaga za svaki puni mjesec učešća a za koji su mu obračunate plaće kao pripadnika Oružanih snaga RBiH 1 bod,
- Borački status za svakog člana porodičnog domaćinstva 20 bodova.
- 3. Bodovi po osnovu dodjele ratnih priznanja:
 - Učenik ili student čiji su roditelji nosioci najviših ratnih priznanja 5 bodova.
- 4. Bodovi po osnovu niskog porodičnog standarda:
 - Učenik ili student čija porodica prima socijalnu pomoć ili je bez ikakvih primanja 20 bodova,
 - Učenik ili student čija porodica ima primanja koja po članu domaćinstva ne prelaze 16% prosječne neto plaće ostvarene u Kantonu u prethodnoj kalendarskoj godini, računajući i primanja iz oblasti boračko-invalidske zaštite 10 bodova,
 - Učenik ili student čija porodica ima primanja koja po članu domaćinstva ne prelaze iznos između 16% do 20% prosječne neto plaće ostvarene u Kantonu u prethodnoj kalendarskoj godini, računajući i primanja iz oblasti boračko-invalidske zaštite 5 bodova,
 - Učenik ili student čija porodica ima primanja koja po članu domaćinstva prelaze 20% prosječne neto plaće ostvarene u Kantonu u prethodnoj kalendarskoj godini, računajući i primanja iz oblasti boračko-invalidske zaštite 0 bodova,
 - Učenik ili student za svakog nezaposlenog punoljetnog člana porodičnog domaćinstva 2 boda.
- 5. Bodovi po ostalim osnovama:
 - Učenik ili student za svakog teško oboljelog člana porodičnog domaćinstva, a koji nije bodovan po osnovu ratne vojne invalidnosti (npr. maligna oboljenja, teška srčana oboljenja, dijabetes, moždani udar, PTSD i sl.) 2 boda,
 - Učenik ili student za svakog člana porodičnog domaćinstva na redovnom školovanju 2 boda,
 - Učenik ili student bez jednog roditelja koji je umro nakon agresije, a bio je u toku agresije pripadnik Oružanih snaga Bosne i Hercegovine i to:
 1. Umrli RVI. 10 bodova,
 2. Umrli borac - branitelj, koji je bio pripadnik Oružanih snaga Bosne i Hercegovine najmanje jednu godinu neprekidno u periodu od 20.06.1992. godine do 23.12.1995. godine 5 bodova.

Član 16a.

Stipendije bez bodovanja po odredbama člana 16. ove uredbe, ukoliko ispunjavaju uslove iz člana 1. ove Uredbe i ne obnavljaju razred ili godinu, dobivaju:

1. Djeca bez oba roditelja čiji su roditelji poginuli kao pripadnici Oružanih snaga Bosne i Hercegovine ili umrli

odnosno poginuli nakon agresije, a jedan od njih je bio pripadnik Oružanih snaga Bosne i Hercegovine najmanje jednu godinu neprekidno u periodu od 20.06.1992. godine do 23.12.1995. godine.

2. Jedno od djece koje bi u skladu sa kriterijima bodovanja imalo najviše bodova, iz porodice u kojoj se na redovnom školovanju nalaze troje i više djece, a čija ukupna primanja po članu domaćinstva ne prelaze 16% prosječne neto plaće ostvarene u Kantonu u prethodnoj kalendarskoj godini, računajući i primanja iz oblasti boračko-invalidske zaštite.

VI - ZAVRŠNE I PRIJELAZNE ODREDBE

Član 16b.

Sve imenice koje se odnose na korisnike prava i nosioce funkcija po ovoj uredbi upotrebene u muškom rodu, odnose se na oba spola.

Član 17.

Kada prijavljeni kandidati pri bodovanju imaju isti broj bodova, prednost će imati kandidati viših razreda odnosno godina studija i čiji je porodični standard niži.

Na osnovu člana 3. Uredbe o izmjeni i dopuni Uredbe o načinu i uvjetima rješavanja stambenih potreba boraca-branitelja Bosne i Hercegovine ("Službene novine Kantona Sarajevo", broj 26/14) i člana 4. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj 7/06-Prečišćeni tekst) Ured za zakonodavstvo Vlade Kantona Sarajevo utvrdio je prečišćeni tekst Uredbe o načinu i uvjetima rješavanja stambenih potreba boraca-branitelja Bosne i Hercegovine.

Prečišćeni tekst Uredbe o o načinu i uvjetima rješavanja stambenih potreba boraca-branitelja Bosne i Hercegovine obuhvata: Uredba o o načinu i uvjetima rješavanja stambenih potreba boraca-branitelja Bosne i Hercegovine ("Službene novine Kantona Sarajevo", broj 31/07), Uredba o izmjenama Uredbe o načinu i uvjetima rješavanja stambenih potreba boraca-branitelja Bosne i Hercegovine ("Službene novine Kantona Sarajevo", broj 23/09), Uredba o izmjenama i dopunama Uredbe o načinu i uvjetima rješavanja stambenih potreba boraca-branitelja Bosne i Hercegovine ("Službene novine Kantona Sarajevo", broj 10/11), Uredba o izmjeni i dopuni Uredbe o načinu i uvjetima rješavanja stambenih potreba boraca-branitelja Bosne i Hercegovine ("Službene novine Kantona Sarajevo", broj 33/12), Uredba o izmjeni Uredbe o načinu i uvjetima rješavanja stambenih potreba boraca-branitelja Bosne i Hercegovine ("Službene novine Kantona Sarajevo", broj 16/14) i Uredba o izmjeni i dopuni Uredbe o načinu i uvjetima rješavanja stambenih potreba boraca-branitelja Bosne i Hercegovine ("Službene novine Kantona Sarajevo", broj 26/14) u kojim je naznačen dan stupanja na snagu tih Uredbi.

Broj 09-02-25520/14

29. septembra 2014. godine
Sarajevo

Sekretar

Ureda za zakonodavstvo
Vlade Kantona Sarajevo
Ahmed Ljubović, s. r.

UREDBA

O NAČINU I UVJETIMA RJEŠAVANJA STAMBENIH
POTREBA BORACA - BRANITELJA BOSNE I
HERCEGOVINE

(Prečišćeni tekst)

POGLAVLJE I - OSNOVNE ODREDBE

Član 1.

(Osnovne odredbe)

Ovom uredbom se uređuju način, uvjeti i postupak za rješavanje stambenih potreba boraca - branitelja Bosne i Hercegovine (u daljnjem tekstu: borac - branitelj BiH), korisnici prava, zatim kriteriji za prvenstvo korištenja prava na novčanu pozajmicu,

namjenu, visinu i vremenski period za njeno vraćanje, način realizacije i sredstva obezbjeđenja povrata, postupak i uvjeti pod kojima se novčana pozajmica za rješavanje stambenih potreba odobrava, kao i vrsta, namjena, visina, postupak i uvjeti za dodjelu sredstava za rješavanje stambenih potreba.

Član 2.
(Korisnici prava)

Korisnici prava po ovoj uredbi su borci - branitelji BiH pod kojima se podrazumijevaju lica iz čl. 1. i 2. Zakona o dopunskim pravima boraca - branitelja Bosne i Hercegovine ("Službene novine Kantona Sarajevo", broj 9/07 - Prečišćeni tekst, 7/08, 33/08, 3/12 i 18/12) (u daljnjem tekstu: Zakon).

POGLAVLJE II - UVJETI ZA OSTVARIVANJE PRAVA

Član 3.
(Način ostvarivanja prava)

Borci - branitelji BiH svoje stambene potrebe po ovoj uredbi rješavaju putem jednokratne, dugoročne, beskamatne novčane pozajmice za rješavanje stambenih potreba (u daljnjem tekstu: novčana pozajmica) ili dodjele sredstava za rješavanje stambenih potreba.

Član 4.
(Uvjeti za ostvarivanje prava)

- (1) Prava iz člana 3. ove uredbe borci - branitelji BiH ostvaruju kada rješavaju svoje stambeno pitanje putem kupovine ili nove izgradnje stambene jedinice, pod uvjetom da imaju prijavljeno prebivalište, odnosno boravište na području Kantona Sarajevo (u daljnjem tekstu: Kanton), a najkasnije do 06.02.1999. godine i dalje neprekidno.
- (2) Prava iz člana 3. ove uredbe borci - branitelji BiH, a pod uvjetima iz stava (1) ovog člana, u cilju adekvatnog rješavanja stambenog pitanja primjereno porodičnoj situaciji, mogu koristiti i za potrebe:
 - a) završetka izgradnje stambene jedinice;
 - b) sanacije, rekonstrukcije, adaptacije ili dogradnje stambene jedinice;
 - c) preuređenja krovišta i potkrovlja u stambeni prostor;
 - d) pretvaranja zajedničkih prostorija u stambeni prostor.
- (3) Borci - branitelji BiH ostvaruju prava iz stava (1) ovog člana samo kada prvi put rješavaju svoje stambeno pitanje.

Član 5.
(Definicija rješavanja stambenog pitanja prvi put)

U smislu ove uredbe, stambeno pitanje se prvi put rješava kada niko od članova porodičnog domaćinstva nije, niti je ikada bio nosilac stanarskog prava ili vlasnik/suvlasnik stana, odnosno vlasnik/suvlasnik ili posjednik porodične stambene zgrade na području Kantona.

Član 6.
(Lica koja ne mogu ostvariti prava iz ove uredbe)

- (1) Prava iz člana 3. ove uredbe ne mogu ostvariti lica koja imaju ili su imala status raseljenog lica, izuzev interno raseljenih lica.
- (2) Prava iz člana 3. ove Uredbe ne mogu ostvariti lica koja imaju u vlasništvu jedan ili više poslovnih prostora, izuzev poslovnog prostora u kojem obavlja djelatnost iz koje obezbjeđuje uslove za egzistenciju svojoj porodici.

Briše se.

POGLAVLJE III - POSTUPAK ZA OSTVARIVANJE PRAVA

Član 8.
(Postupak odobravanja novčane pozajmice)

Postupak odobravanja novčane pozajmice je sljedeći:

- a) zahtjev za odobravanje novčane pozajmice, sa kompletnom propisanom dokumentacijom, tražilac pozajmice podnosi Ministarstvu za boračka pitanja Kantona Sarajevo (u daljnjem tekstu: Ministarstvo) u roku predviđenom javnim konkursom;

- b) propisana dokumentacija uz zahtjev obavezno mora da sadrži dokaz za stambenu jedinicu i to:

- 1) za novu izgradnju, sanaciju, rekonstrukciju, dogradnju stambene jedinice, preuređenja krovišta i potkrovlja u stambeni prostor, te pretvaranje zajedničkih prostorija u stambeni prostor - dozvola za građenje;
- 2) za stambene jedinice u postupku legalizacije - naknadna urbanistička saglasnost;
- 3) za legalizirane stambene jedinice - odobrenje za upotrebu (legalizacija);
- 4) za stambene jedinice u suvlasništvu - saglasnost svih suvlasnika za građevinske intervencije na stambenoj jedinici;
- 5) za dogradnju individualne stambene jedinice u vlasništvu, za potrebe rješavanja stambenog pitanja borca - branitelja BiH koji je član porodičnog domaćinstva vlasnika - saglasnost vlasnika.

- c) Stručna služba Ministarstva obrađuje sve prispjele zahtjeve i sa svojim stručnim mišljenjem dostavljaju ih Komisiji za rješavanje zahtjeva za odobravanje novčanih pozajmica (u daljnjem tekstu: Komisija) radi formiranja liste lica koja ispunjavaju uvjete za novčanu pozajmicu.

- d) na listu iz tačke c) ovog člana može se podnijeti prigovor ministru za boračka pitanja Kantona (u daljnjem tekstu: ministar) u roku do 21 dan od dana objavljivanja iste na oglasnim pločama Kantona, info-punktu Ministarstva, web stranici Kantona, sjedištima kantonalnih boračkih udruženja i službama za boračko - invalidsku zaštitu svih općina Kantona. Rješenje koje ministar donese po prigovoru je konačno.

- e) nakon donošenja konačne odluke, poslovna banka zaključuje sa licima kojima je odobrena novčana pozajmica pojedinačni ugovor o pozajmici, doznava novčana sredstva i prati urednu mjesečnu otplatu;

- f) novčanu pozajmicu korisnik u cijelosti realizuje u roku od 90 dana nakon izvršene doznake novčanih sredstava, o čemu obavještava davaoca novčane pozajmice;

- g) u slučaju nenamjenske realizacije, poslovna banka na prijedlog Stručne službe raskida ugovor, a korisnik novčane pozajmice je dužan u cijelosti vratiti primljenu novčanu pozajmicu, zajedno sa zakonskom zateznom kamatom obračunatom od dana doznava novčane pozajmice.

- h) poslovna banka obezbjeđuje blagovremenu i urednu otplatu novčane pozajmice, a u slučaju neblagovremene i neuredne otplate provodi postupak prinudne naplate putem nadležnog suda.

Član 8a.
(Komisija za rješavanje zahtjeva za odobravanje novčanih pozajmica)

- (1) Komisiju iz člana 8. ove uredbe imenuje ministar.
- (2) Komisija se sastoji od predsjednika i dva člana i imenuje se za tekuću budžetsku godinu.

Član 9.
(Definisanje platežne sposobnosti borca - branitelja BiH)

- (1) Borci - branitelji BiH imaju pravo na novčanu pozajmicu, pod uvjetom da su platežno sposobni za vraćanje dobivene novčane pozajmice.
- (2) Platežno su sposobni oni borci - branitelji BiH čiji su mjesečni prihodi najmanje trostruko veći od mjesečne rate za povrat dobivene novčane pozajmice, uključujući i primanja po osnovu prava iz boračko-invalidske zaštite.
- (3) U slučajevima kada platežna sposobnost borca - branitelja BiH nije dovoljna, za potrebe realizacije novčane pozajmice uz korisnika (glavnog dužnika) može da postoji i sudužnik (solidarni dužnik) po odobroj novčanoj pozajmici, bez obzira na odobreni iznos i period otplate.

Član 10.

(Namjena korištenja novčanih pozajmica)

Novčane pozajmice se mogu koristiti za rješavanje stambenih potreba putem kupovine ili nove izgradnje stambene jedinice, odnosno za potrebe iz člana 4. stav (2) ove uredbe.

Član 11.

(Visina novčane pozajmice)

- (1) Novčana pozajmica se može odobriti najviše u visini do 50.000 KM (slovima: pedesethiljada KM) sa periodom povrata odobrenih sredstava u jednakim mjesečnim obrocima u periodu do 25 godina.
- (2) Period povrata odobrenih novčanih sredstava kraći od 25 godina, može se odobriti na zahtjev korisnika novčane pozajmice.

Član 12.

(Poslovna banka za plasman novčanih pozajmica)

- (1) Plasman odobrenih novčanih pozajmica i njihov povrat obavlja se posredstvom poslovne banke, a Ministarstvo se obavezuje platiti naknadu poslovnoj banci na ime usluge plasmana i povrata odobrenih novčanih pozajmica.
- (2) Ministar zaključuje ugovor o obavljanju poslova iz stava (1) ovog člana sa poslovnom bankom, čija je ponuda za obavljanje tih poslova najpovoljnija.

Član 13.

(Evidencija odobrenih novčanih pozajmica)

Kanton doznadžava novčana sredstva predviđena za ove namjene poslovnoj banci, u roku od 10 dana od odobravanja novčane pozajmice, a poslovna banka se obavezuje na vođenje određene evidencije o odobrenim novčanim pozajmicama i njihovom povratu i dostavu mjesečnih izvještaja o stanju otplate, sa pregledom otplate poimenično za sve korisnike novčane pozajmice.

Član 14.

(Instrumenti obezbjeđenja)

Povrat dobivene novčane pozajmice obezbjeđuje se institutom sudužništva prema bankarskim pravilima i platežnoj sposobnosti istih za iznos do 20.000,00 KM (slovima: dvadesethiljada KM), a za odobreni iznos preko 20.000,00 KM (slovima: dvadesethiljada KM) založno pravo na nepokretnosti (hipoteka).

Član 15.

(Troškovi korisnika odobrene novčane pozajmice)

Korisnik novčane pozajmice dužan je snositi troškove administrativne naknade poslovnoj banci u slučaju prijevremene otplate novčane pozajmice u cijelosti i odjednom.

Član 16.

(Dodjela sredstava)

Osim prava na novčanu pozajmicu, borci - branitelji BiH kao način rješavanja stambenih potreba mogu koristiti pravo na jednokratnu bespovratnu dodjelu sredstava za rješavanje stambenih potreba (u daljnjem tekstu: dodjela sredstava).

Član 17.

(Vidovi dodjele sredstava)

- (1) Dodjela sredstava se koristi za namjene iz člana 10. ove uredbe, a može se odobriti u vidu jednokratnih bespovratnih sredstava:
 - a) u građevinskom materijalu,
 - b) za izvođenje građevinskih radova i pružanje građevinskih usluga,
 - c) u cilju udruživanja sredstava za kupovinu stana.
- (2) Uvjete, način i kriterije za ostvarivanje prava iz stava (1) ovog člana utvrđuje ministar posebnim pravilnikom.

Član 18.

(Iznos dodjele sredstava)

- (1) Dodjela sredstava se odobrava do iznosa propisanog članom 34. stav (2) Zakona, odnosno do stvaranja minimalnih uvjeta u

pregledu površine stambenog prostora i opremljenosti stambene jedinice.

- (2) Minimum uvjeta iz stava (1) ovog člana utvrđuje ministar posebnim pravilnikom.

Član 19.

(Način dodjele sredstava)

- (1) Dodjelu sredstava u vidu jednokratnih bespovratnih sredstava u građevinskom materijalu i jednokratnih bespovratnih sredstava za izvođenje građevinskih radova i pružanje građevinskih usluga, Ministarstvo odobrava na osnovu prijedloga Komisije za procjenu oštećenja individualnih stambenih jedinica i kontrolu ugradnje građevinskog materijala, a u skladu sa pravilnikom iz člana 18. ove uredbe.
- (2) Komisiju iz stava (1) ovog člana imenuje ministar.

Član 20.

(Postupak sa nerealiziranim zahtjevima)

- (1) Broj odobrenih zahtjeva za novčanu pozajmicu i dodjelu sredstava, kao i visinu sredstava Ministarstvo planira u skladu sa sredstvima odobrenim budžetom Kantona za svaku kalendarsku godinu posebno.
- (2) Zahtjevi koji nisu mogli biti realizirani u godini u kojoj su podnijeti, prenose se u rješavanje za narednu godinu, pod uvjetom da se budžetom Kantona odobri finansiranje ovog prava, a obaveza podnosioca zahtjeva je da po raspisanom javnom pozivu za narednu godinu dopuni svoj zahtjev nužnom dokumentacijom koju propisuje Ministarstvo.

POGLAVLJE IV - KRITERIJI ZA PRVENSTVO

KORIŠTENJA PRAVA

Član 21.

(Kriteriji)

Korisnici prava na novčane pozajmice ostvaruju prvenstvo u korištenju prava na osnovu bodovne liste koja se utvrđuje kroz zbir bodova dobivenih na osnovu:

- a) općih kriterija,
- b) posebnih kriterija,
- c) dopunskih kriterija.

Odjeljak A - Opći kriteriji

Član 22.

(Opći kriteriji)

- (1) a) Stambena situacija
 - 1) stambeno pitanje nije riješeno 80 bodova
 - 2) ostali načini rješavanja stambenog pitanja iz člana 4. stav (2) ove uredbe. 40 bodova,
 - b) Broj članova porodičnog domaćinstva - za svakog člana porodičnog domaćinstva, podnosioca zahtjeva po 10 bodova
 - c) Radni staž - za svaku punu godinu radnog staža podnosioca zahtjeva, izuzev perioda '92. - '95. godina po 2 boda
 - d) Učešće u Oružanim snagama RBiH
 - 1) učešće od 18.09.1991 - 05.04.1992. za jedan mjesec 8 bodova
 - 2) učešće od 06.04.1992 - 15.04.1992 6 bodova
 - 3) učešće od 16.04.1992 - 20.06.1992 za jedan mjesec. 5 bodova
 - 4) učešće od 20.06.1992 - 23.12.1995 za jedan mjesec 3 boda
- Bodovi za učešće u OS pripadaju podnosiocu zahtjeva za svaki naznačeni period i međusobno se zbrajaju.
- e) Nosioci najviših ratnih priznanja 40 bodova
 - f) Hronološki red podnijetih zahtjeva - za svaku godinu čekanja. 40 bodova
- (2) Ukupan broj bodova ostvaren po svakoj tački ovog člana međusobno se zbraja.
 - (3) Ukoliko je to povoljnije za podnosioca zahtjeva, umjesto njegovog radnog staža, može se bodovati radni staž šehida - poginulog borca.

- (4) Za ratne vojne invalide koji su otpušteni iz OS RBiH po osnovu vojne nesposobnosti koja je posljedica ranjavanja ili povređivanja i šehide - poginule borce, učešće u OS RBiH boduje se za čitav period od momenta stupanja u OS RBiH pa sve do završetka oružane agresije na Bosnu i Hercegovinu (23.12.1995. godine).

Odjeljak B - Posebni kriteriji

Član 23.

(Posebni kriteriji)

- (1) a) Broj poginulih boraca-šehida članova porodičnog domaćinstva
- 1) šehidska porodica - porodica poginulog borca sa dva i više poginulih i roditelji koji su izgubili jedino dijete. 50 bodova
 - 2) šehidska porodica - porodica poginulog borca sa jednim poginulim sa troje i više malodobne djece 45 bodova
 - 3) šehidska porodica - porodica poginulog borca sa jednim poginulim i dvoje malodobne djece 40 bodova
 - 4) šehidska porodica - porodica poginulog borca sa jednim poginulim i jednim malodobnim djetetom 30 bodova
 - 5) šehidska porodica bez djece. 25 bodova
 - 6) roditelji šehida sa jednim poginulim. 20 bodova
- b) Procenat oštećenja organizma
- 1) RVI sa procentom tjelesnog oštećenja 100% II grupe. 50 bodova
 - 2) RVI sa procentom tjelesnog oštećenja 90% III grupe 45 bodova
 - 3) RVI sa procentom tjelesnog oštećenja 80% IV grupe 40 bodova
 - 4) RVI sa procentom tjelesnog oštećenja 70% V grupe. 35 bodova
 - 5) RVI sa procentom tjelesnog oštećenja 60% VI grupe 30 bodova
 - 6) RVI sa procentom tjelesnog oštećenja 50% VII grupe. 25 bodova
 - 7) RVI sa procentom tjelesnog oštećenja 40% VIII grupe 20 bodova
 - 8) RVI sa procentom tjelesnog oštećenja 30% IX grupe 15 bodova
 - 9) RVI sa procentom tjelesnog oštećenja 20% X grupe. 10 bodova
- c) Borci - branitelji BiH. 8 bodova
- (2) Podnosiocu zahtjeva pripadaju bodovi samo po osnovu jedne tačke ovoga člana, koja je za njega povoljnija.

Odjeljak C - Dopunski kriteriji

Član 24.

(Dopunski kriteriji)

- (1) a) Teška bolest podnosioca zahtjeva ili člana porodičnog domaćinstva.
- Pod teškim bolestima u smislu ove uredbe smatraju se:
- 1) akutna tuberkuloza;
 - 2) maligna oboljenja;
 - 3) endemska nefropatija;
 - 4) stanje poslije hirurškog zahvata srca;
 - 5) sva degenerativna oboljenja centralnog nervnog sistema;
 - 6) infarkt (srčani, moždani);
 - 7) oboljenje mišićnog sistema i paralize.
- Sve ove bolesti boduju se pojedinačno sa 5 bodova

- b) Maloljetni pripadnici OS RBiH
Licima koja su se uključila u OS RBiH u životnoj dobi kada nisu bili vojni obveznici 20 bodova
- c) Borački status člana porodičnog domaćinstva
Dodatni borački status za svakog člana porodičnog domaćinstva 20 bodova
- d) Materijalna situacija porodičnog domaćinstva podnosioca zahtjeva
1. ukupna primanja domaćinstva preko dvije prosječne netto plaće ostvarene u Kantonu u prethodnoj kalendarskoj godini (u daljnjem tekstu: prosječna plaća). 0 bodova,
 2. ukupna primanja domaćinstva od jedne i po do dvije prosječne plaće 5 bodova,
 3. ukupna primanja domaćinstva od jedne do jedne i po prosječne plaće 10 bodova,
 4. ukupna primanja domaćinstva do visine jedne prosječne plaće 20 bodova.
- (2) Ukupan broj bodova ostvaren po svakoj tački ovog člana međusobno se zbraja.

POGLAVLJE V - FINANSIRANJE I KONTROLA

Član 25.

(Obezbjedenje sredstava)

Sredstva za finansiranje prava utvrđenih ovom uredbom za svaku godinu obezbjeđuju se iz budžeta Kantona.

Član 26.

(Korištenje sredstava od povrata novčanih pozajmica)

Sredstva ostvarena po osnovu povrata novčanih pozajmica (primici), dodijeljenih u prethodnom periodu, u svrhu rješavanja stambenih potreba, koriste se za dodjelu novih novčanih pozajmica u istu svrhu.

Član 27.

(Podnošenje izvještaja)

- (1) Provođenje ove uredbe vrši Ministarstvo.
- (2) Ministarstvo svake godine podnosi izvještaj Vladi Kantona o ostvarivanju prava na novčanu pozajmicu i dodjelu sredstava.

POGLAVLJE VI - PRIJELAZNE I ZAVRŠNE ODREDBE

Član 28.

(Postupak sa neriješenim zahtjevima)

Neriješeni zahtjevi za pomoć u rješavanju stambenih potreba, koji su podneseni do stupanja na snagu ove uredbe, rješavat će se u skladu sa odredbama ove uredbe.

Član 29.

(Ravnopravnost spolova)

Sve imenice koje se odnose na nosioce pojedinih prava, upotrijebljene u ovoj uredbi samo u muškom ili samo u ženskom rodu, odnose se na oba spola.

Član 30.

(Prestanak važenja dosadašnje uredbe)

Danom stupanja na snagu ove uredbe prestaje da važi Uredba o načinu i uslovima rješavanja stambenih potreba boraca - branitelja Bosne i Hercegovine ("Službene novine Kantona Sarajevo", br. 29/02, 13/03, 17/04, 9/05 i 32/06).

Član 31.

(Obaveze iz ugovora zaključenih po osnovu ranijih propisa)

Sve obaveze iz ugovora zaključenih po osnovu propisa iz člana 30. ove uredbe važe do njihovog ispunjenja prema odredbama ugovora i općim propisima koji uređuju obligacione odnose.